

INUIT ATAQATIGIIT

INATSIARTUNI



4. marts 2010

Inatsisartut Suleriaasianni § 36. imm. 1 naapertorlugu Naalackersuisunut apeqquq imaattoq matumuuna saqqummiuppara:

Nunatsinni tartuluttut Qallunaat nunaannut aammik akuluiartikkiartortillutik aallartinneqartartut, nunatsinniiginnarlutik katsorsarneqartarsinnaanerata siunissami ingerlanneqarsinnaalernissaat qanoq periarfissaqarpa?

Nuantsinniit tartuluttut aammik akuluiartittussat Qallunaat nunaannut ingerlartinneqartartut ukiumut qanoq amerlatigippat?

Qallunaat nunaanni katsorsaanerup ingerlanneqartariaqartarnera nunatsinnut qanoq ukiumut naleqarpa, nunatsinnullu nuunneqassagaluarpat qanoq naleqassava?

(Inatssiartuni ilaasortoq, Olga P. Berthelsen, Inuit Ataqatigiit)

Tungavilersuut:

Taamatut apeqquteqaqrninnut tungavigaara paaserusukkakku, tartuluttut nunatsinni maannamut qanoq amerlatiginersut.

Tartuluttut qallunaat nunaannut aallartariaqartartut, nunatsinni sullinneqarsinnaannginertik peqqutigalugu ukiorpassuit, qallunaat nunaanni najugaqartariaqartarput. Tamanna inummut tartuluttumut ilaqutaasunut annertuumik oqimaatsorsiorfiusarpoq, inuunermillu naleqartumik inuuniarneq taakkununga ajornartorujussuulluni.

Nunatsinni tartuluttunut sullissinerup ingerlanneqartalersinnaanerata periarfissinneqarneratigut, isumaqarpunga inuuniarnikkut, ilaqutariissutsikkut, naleqarnerusumillu inuunerup ingerlanneqarsinnaanissaa anguneqarsinnaasoq.

Taamatut naatsumik tungavilersorlunga apeqqutigisakka kissaatigaara ullut qulit ingerlanerani akineqassasut.